

# PWYLLGOR SAFONAU

Cofnodion y cyfarfod a gynhaliwyd ar 13 Mawrth 2013

## YN BRESENNOL:

### Aelodau Annibynnol

Michael Wilson (Cadeirydd)  
Islwyn Jones (Is-Gadeirydd)

Denise Harris Edwards  
Leslie Lord  
Dilys Shaw

### Yn cynrychioli'r Cyngorau Tref/Cymuned

John Roberts

## WRTH LAW:

Pennaeth Swyddogaeth (Cyfreithiol a Gweinyddiaeth/Swyddog Monitro),  
Rheolwr Gwasanaethau Cyfreithiol (ar gyfer eitem 10(b),  
Rheolydd y We a Gwybodaeth Corfforaethol (PA) (ar gyfer eitem 3),  
Swyddog Gwybodaeth Corfforaethol (HP) (ar gyfer eitem 11),  
Swyddog Gofal Cwsmer (BJ) (ar gyfer eitemau 5, 6 a 7),  
Uwch Swyddog Datblygu Adnoddau Dynol (MW) (ar gyfer eitem 4),  
Swyddog Pwyllgor (MEH).

HEFYD YN BRESENNOL: Dim

## YMDDIHEURIADAU:

Y Cynghorydd Ieuan Williams (Yn cynrychioli'r Cyngor Sir),  
Y Cynghorydd Raymond Evans (Yn cynrychioli'r Cyngorau Tref a  
Chymuned).

Roedd yr Aelodau'n dymuno adferiad iechyd llwyr a buan i Mr. Raymond Evans a oedd yn yr ysbyty.

## 1 DATGANIAD O DDIDDORDEB

Ni dderbyniwyd unrhyw ddatganiad o ddiddordeb.

## 2 COFNODION Y CYFARFOD

Dywedodd y Pennaeth Swyddogaeth (Cyfreithiol a Gweinyddiaeth) / Swyddog Monitro bod y Pwyllgor Safonau (Gwrandawriad) yn ei gyfarfod a gynhaliwyd ar 7 Mawrth 2013 wedi mabwysiadu'r cofnodion ond wedi gohirio ystyried y materion oedd yn codi ar eitemau 7 i 10.

## MATERION YN CODI

### 7. Penderfyniad y Panel Dyfarnu ynglŷn ag Apêl

Rhoddodd y Cadeirydd adroddiad llafar ar ei deimladau yn dilyn ei gyfarfod ef a'r Is-Gadeirydd gydag Arweinyddion y Grwpiau Gwleidyddol yn ddiweddar. Dywedodd ei fod yn falch o allu adrodd i Arweinyddion y Grwpiau fynegi barn hollol gadarnhaol ynglŷn â gwaith y Pwyllgor Safonau.

**PENDERFYNWYD nodi'r adroddiad.**

**GWEITHREDU : Bod cyfarfod yn cael ei drefnu gyda Chadeirydd ac Is-Gadeirydd y Pwyllgor Safonau ac Arweinyddion y Grwpiau yn dilyn Etholiadau'r Cyngor Sir ym Mai.**

## **8 (b) Cyflwyno Adolygiadau Datblygiad Personol i Aelodau**

Dywedodd y Pennaeth Swyddogaeth (Cyfreithiol a Gweinyddiaeth) / Swyddog Monitro bod y Pwyllgor wedi ceisio gweld a allai hyfforddiant fod yn orfodol i'r Pwyllgor Archwilio. Dywedodd y Swyddog nad oes unrhyw ofnion penodol yn y cyfarwyddyd i ganiatáu hyfforddiant gorfodol. Fodd bynnag, fe allai'r Pwyllgor Safonau argymhell y dylai hyfforddiant fod yn orfodol fel sydd wedi ei nodi yn y Côd Ymddygiad ar gyfer Pwyllgorau Cynllunio a Gorchmynion a Thrwyddedu.

**PENDERFYNWYD nodi'r adroddiad.**

**GWEITHREDU : Bod eitem yn cael ei rhoi gerbron cyfarfod o'r Pwyllgor Safonau yn y dyfodol o safbwynt y trafodaethau sydd eu hangen ynglŷn â hyfforddiant gorfodol ar gyfer aelodau'r Pwyllgor Archwilio.**

## **9. Fforwm Pwyllgor Safonau Gogledd Cymru**

Nododd y Pennaeth Swyddogaeth (Cyfreithiol a Gweinyddiaeth) / Swyddog Monitro bod gwahoddiad yn awr wedi ei roi i gynrychiolwyr o Swyddfa Archwilio Cymru a Llywodraeth Cymru i fynychu'r cyfarfod nesaf o Fforwm Pwyllgor Safonau Gogledd Cymru.

**PENDERFYNWYD nodi'r adroddiad.**

**GWEITHREDU : Dim.**

## **10. Newidiadau Arfaethedig i'r Cyfansoddiad / Protocolau**

Nododd y Pennaeth Swyddogaeth (Cyfreithiol a Gweinyddiaeth) / Swyddog Monitro bod newidiadau bellach wedi eu cytuno gyda'r Swyddogion perthnasol a'r Is-Gadeirydd parthed newidiadau i 5.3.17 y Cyfansoddiad.

**PENDERFYNWYD nodi'r adroddiad.**

**GWEITHREDU : Bod y newidiadau yn 5.3.17 y Cyfansoddiad yn cael eu cyhoeddi ar wefan y Cyngor Sir ar unwaith.**

## **3 CYHOEDDI COFRESTRAU STATUDOL AR-LEIN**

Cyflwynwyd - adroddiad gan Reolwr y We a Gwybodaeth Gorfforaethol ynglŷn â chynnydd, gweithrediad a hyfforddiant cynefino y bwriedir ei gynnal ar gyfer Aelodau newydd a'r rheini sy'n dychwelyd.

Dywedwyd y bydd y Gofrestr Rhoddion a Lletygarwch ar gael ar lein o 1 Mawrth 2013 ac y bydd yn cael ei hychwanegu at y system Modern.Gov fel y gall y cyhoedd ei gweld. Bu'r Gofrestr Safonol o ddiddordebau ar-lein ers dechrau mis Ionawr 2013 a bydd yr holl Aelodau o'r Cyngor Sir a gânt eu hethol yn dilyn etholiadau mis Mai yn derbyn hyfforddiant ar sut i ddiweddarau'r fersiwn ar-lein.

Nodwyd ymhellach bod rhaglenni a phapurau'r Pwyllgorau wedi bod yn cael eu cyhoeddi ar y rhyngwrwyd gan yr Adain Gwasanaethau Pwyllgor ers dechrau mis Ionawr. Bydd pob datganiad o ddiddordeb mewn cyfarfodydd yn cael eu hychwanegu ar wahân i'r system Modern.Gov a bydd hynny yn caniatáu i'r cyhoedd chwilio am unrhyw Aelod unigol. Bydd hyfforddiant yn cael ei ddarparu i'r holl Aelodau etholedig ar ôl etholiad y Cyngor Sir ym Mai 2013 a hynny fel rhan o'u rhaglen hyfforddiant.

Dywedodd y Pennaeth Swyddogaeth (Cyfreithiol a Gweinyddiaeth) / Swyddog Monitro y bydd yn rhaid cyhoeddi datganiad yn y wasg yn dweud y bydd y cofrestrau a enwyd yn yr adroddiad hwn i'w gweld ar-lein.

**PENDERFYNWYD nodi'r adroddiad.**

**GWEITHREDU : Bod adroddiad diweddarau'n cael ei gyflwyno i'r cyfarfod nesaf o'r Pwyllgor Safonau parthed y cynnydd gyda chyhoeddi'r Cofrestrau Statudol ar-lein.**

#### **4 CYNLLUN DATBLYGU AELODAU AC ADOLYGIADAU DATBLYGIAD PERSONOL**

Rhoddodd yr Uwch Swyddog Datblygu adroddiad ar y Cynllun Datblygu Aelodau a'r Adolygiadau Datblygiad Personol. Nodwyd mai'r bwriad yw cael hyfforddiant ar y Côt Ymddygiad i Aelodau Etholedig newydd yn dilyn etholiadau'r Cyngor Sir ym Mai 2013.

Dywedodd y Pennaeth Swyddogaeth (Cyfreithiol a Gweinyddiaeth) / Swyddog Monitro y bydd y Cynllun Hyfforddi 12 mis i Aelodau yn cael ei gyflwyno i'r Cyngor llawn ym Mai gan Gadeirydd y Gwasanaethau Democraataidd. Roedd yn ystyried y dylid rhoi eitem safonol ar raglen y Pwyllgor Gwasanaethau Democraataidd yng nghyswllt yr Adolygiadau Datblygiad Personol.

**PENDERFYNWYD nodi'r adroddiad a gofyn i Bennaeth y Gwasanaethau Democraataidd roi eitem safonol ar raglen y Pwyllgor Gwasanaethau Democraataidd yn ymwneud â'r Adolygiadau Datblygiad Personol.**

**GWEITHREDU : Fel a nodir uchod.**

#### **5 PROSIECT RHEOLI CWYNION**

Cyflwynwyd – adroddiad diweddarau gan y Swyddog Gofal Cwsmer ar statws presennol y Prosiect Rheoli Cwynion.

Nodwyd bod y Polisi Pryderon a Chwynion a'r Polisi Ymddygiad Annerbyniol gan Achwynwr wedi eu cyflwyno i'r Cyngor llawn ar 5 Mawrth 2013 i'w mabwysiadu. Cynhelir Archwiliad Mewnol ar weithrediad y Polisi Pryderon a Chwynion yn Ebrill 2013 ac wedyn ymhen 6 mis gyda phwyslais arbennig ar sicrhau bod adrannau'n cofnodi cwynion yn y ffordd gywir. Bydd y Rheolwr Archwilio Mewnol yn cyflwyno adroddiad i'r Pwyllgor Safonau yn ei gyfarfod ym mis Rhagfyr yng nghyswllt adolygiad archwilio o'r Polisi Cwynion.

Cododd yr Aelodau faterion yn ymwneud â thaliadau iawndal yng nghyswllt cwynion yn erbyn y Cyngor Sir a lefel y taliadau a roddwyd. Dywedodd y Pennaeth Swyddogaeth (Cyfreithiol a Gweinyddiaeth) / Swyddog Monitro bod y Polisi iawndal fel yr argymhellwyd gan Lywodraeth Cymru yn cynnwys disgwyliad y bydd Cymal iawndal yn cael ei gynnwys yn y Polisi. Bydd y Pennaeth Gwasanaeth yn yr adain lle cododd yr anghydfod yn penderfynu beth fydd lefel y taliad iawndal mewn ymgynghoriad gyda'r Rheolwr Gwasanaethau Cyfreithiol.

**PENDERFYNWYD derbyn yr adroddiad.**

**GWEITHREDU : Bod y Rheolwr Archwilio Mewnol yn cael ei wahodd i'r Pwyllgor Safonau ym mis Rhagfyr yng nghyswllt adolygiad archwilio ar y Polisi Cwynion.**

#### **6 CWYNION AM YMDDYGIAD I'R OMBWDSMON GWASANAETHAU CYHOEDDUS CYMRU**

6(a) Cyflwynwyd, er gwybodaeth – adroddiad gan y Swyddog Gofal Cwsmer ar ffurf matrices wedi ei ddiweddarau i Gynghorwyr Sir.

**PENDERFYNWYD nodi'r adroddiad er gwybodaeth.**

**GWEITHREDU : Diweddariad ar unrhyw ddatblygiadau pellach gan y Swyddog Gofal Cwsmer yn y cyfarfod nesaf o'r Pwyllgor Safonau.**

6(b) Cyflwynwyd, er gwybodaeth – adroddiad gan y Swyddog Gofal Cwsmer ar ffurf matrices wedi ei ddiweddarau i Gynghorau Tref a Chymuned.

**PENDERFYNWYD nodi'r adroddiad er gwybodaeth.**

**GWEITHREDU : Diweddariad ar unrhyw ddatblygiadau pellach gan y Swyddog Gofal Cwsmer yn y cyfarfod nesaf o'r Pwyllgor Safonau.**

## **7 CRYNODEB O BENDERFYNIADAU'R PANEL DYFARNU**

Cyflwynwyd a nodwyd – adroddiad gan y Swyddog Gofal Cwsmer mewn perthynas â'r uchod. Dywedwyd na chafwyd gwybod am unrhyw achosion newydd.

**PENDERFYNWYD nodi'r adroddiad.**

**GWEITHREDU : Ceir diweddariad ar unrhyw ddatblygiadau pellach gan y Swyddog Gofal Cwsmer yn y cyfarfod nesaf o'r Pwyllgor Safonau.**

## **8 CYNHADLEDD GENEDLAETHOL Y PWYLLGORAU SAFONAU**

Cyflwynwyd, er gwybodaeth – Rhaglen y Gynhadledd a Rhestr o'r sawl sydd wedi eu henwebu i fynychu Cynhadledd Safonau Cymru sydd i'w chynnal yn Venue Cymru Llandudno ar 19 Ebrill 2013.

**PENDERFYNWYD nodi'r adroddiad.**

**GWEITHREDU : Bod unrhyw lefydd ychwanegol yn y Gynhadledd yn cael eu dyrannu i Aelodau'r Pwyllgor Safonau nad ydynt wedi eu henwebu i fynychu.**

## **9 NEWIDIADAU I'R CYFANSODDIAD FEL Y PENDERFYNWYD ARNYNT GAN Y CYNGOR LLAWN AR 5 MAWRTH, 2013**

9(a) Cyflwynwyd er gwybodaeth – adroddiad ar y newidiadau i'r Cyfansoddiad.

Cyfeiriodd y Pennaeth Swyddogaeth (Cyfreithiol a Gweinyddiaeth) / Swyddog Monitro at y prif newidiadau Cyfansoddiadol i wella'r ffordd y bydd y Cyngor newydd yn gweithio ar ôl 2 Mai 2013, ond yn arbennig i gymryd i ystyriaeth bwysau gwaith corfforaethol a'r nifer lai o aelodau. Roedd y newidiadau yn ymwneud â :-

Gwneud hyfforddiant i Aelodau ar y Côd Ymddygiad yn orfodol;  
Lleihau nifer y Pwyllgorau Sgriwtini o 5 i 2;  
Gostwng y niferoedd ar y Pwyllgor Cynllunio a Gorchmynion (a Thrwyddedu) o 14 i 11;  
Gostwng Aelodaeth y Cyngor Sir ar y Pwyllgor Archwilio o 10 i 8;  
Lleihau'r nifer ar y Pwyllgor Gwaith o 10 i 7 (i gynnwys yr Arweinydd a'r Dirprwy Arweinydd);  
Mabwysiadu'r Protocol Perthynas Aelodau a Swyddogion yn dilyn ei adolygu;  
Mabwysiadu'r protocol ar gyfer Wardiau Amlaelod.

**PENDERFYNWYD nodi'r newidiadau i'r Cyfansoddiad fel y maent wedi eu nodi uchod.**

**GWEITHREDU : Nodi y bydd y newidiadau i'r Cyfansoddiad yn cael eu trafod yn y Pwyllgor Gwaith ar 18 Chwefror a gan y Cyngor Sir llawn yn ei gyfarfod ar 5 Mawrth 2013.**

9(b) Cyflwynwyd er gwybodaeth – adroddiad ar y newid i'r Polisi Indemniadau.

Dywedodd y Pennaeth Swyddogaeth (Cyfreithiol a Gweinyddiaeth) / Swyddog Monitro bod Llywodraeth Cymru o blaid diwygio'r Polisi cyfredol i gyflwyno uchafswm cap o £20k yn yr achosion sy'n ymwneud ag amddiffyn cwynion i Ombwdsmon Gwasanaethau Cyhoeddus Cymru.

Roedd yr Is-Gadeirydd yn ystyried bod angen diwygio 4.1 y Polisi i ddarllen '..... y dylai unrhyw indemniad a roddir i Aelod i amddiffyn honiadau o dorri neu doriadau yn y Côd Ymddygiad fod yn destun **uchafswm** cap o £20k.

Roedd y Cynghorydd John Roberts yn dymuno iddo gael ei gofnodi ei fod yn siomedig yn y fersiwn Gymraeg o lythyr y Gweinidog oedd ynghlwm wrth yr adroddiad hwn.

**PENDERFYNWYD derbyn yr adroddiad.**

**GWEITHREDU : Bod y Polisi yn cael ei newid fel yn 4.1 uchod.**

## **10 NEWIDIADAU ARFAETHEDIG I'R CYFANSODDIAD**

10(a) Cyflwynwyd - adroddiad ar 'Egwyddorion Cyffredinol am Brothocol wedi ei Adolygu ar gyfer Datrysiaid Lleol'.

Adroddwyd bod y Pwyllgor Safonau, fel rhan o'i Raglen Waith am 2012/13, wedi adolygu'r Protocol cyffredol ac wedi cyflwyno argymhellion am newid. Bydd Cadeirydd y Pwyllgor Safonau yn cyflwyno'r Protocol i'r Pwyllgor Gwaith ac i'r Cyngor llawn.

**PENDERFYNWYD nodi'r adroddiad.**

**GWEITHREDU : Nodi y bydd y Protocol yn cael ei anfon ymlaen i'r Pwyllgor Gwaith i'w ystyried ac wedi hynny i'r Cyngor llawn.**

10(b) Cyflwynwyd – adroddiad ar y 'Rheolau Gweithdrefn Gynllunio' ac i wneud newidiadau i'r Cyfansoddiad, Adran 4.6 i gymryd wardiau Amlaelod i ystyriaeth yn dilyn etholiadau'r Cyngor Sir 2013.

Bwriadwyd y newidiadau i fod yn rhai mor ganiataol ag sy'n bosibl i ganiatáu i unrhyw un o'r 'aelodau lleol' mewn ward newydd alw cais cynllunio yn y ward honno i mewn i'r Pwyllgor Cynllunio a Gorchmynion a bydd y newidiadau yn caniatáu i unrhyw un neu i bob un o'r aelodau lleol yn y ward honno gael siarad yn y Pwyllgor ar y cais hwnnw fydd wedi ei alw i mewn, fel Aelod Lleol. Nodwyd y bydd y newidiadau hyn yn cael eu hanfon ymlaen i'w hargymhell gan y Pwyllgor Gwaith ac wedi hynny i'r Cyngor llawn.

**PENDERFYNWYD nodi'r adroddiad.**

**GWEITHREDU : Nodi y bydd y newidiadau i'r Rheolau Gweithdrefn Gynllunio yn cael eu hanfon ymlaen i'r Pwyllgor Gwaith i'w hystyried ac wedi hynny i'r Cyngor llawn.**

## **11 PROTOCOL DRAFFT AR DDEFNYDDIO CYFRYNGAU CYMDEITHASOL MEWN CYFARFODYDD**

Cyflwynwyd – adroddiad gan y Swyddog Gwybodaeth Gorfforaethol ar y Protocol Cyfryngau Cymdeithasol drafft i Aelodau y bwriedir iddo reoleiddio'r defnydd a wneir o gyfryngau cymdeithasol gan Aelodau etholedig yn swyddogol ac yn breifat. Mae'r protocol hefyd yn ymwneud â'r defnydd o gyfryngau cymdeithasol mewn cyfarfodydd gan y cyhoedd.

Dywedwyd mai bwriad y protocol oedd nodi'n glir sut y dylai Aelodau Etholedig ryngweithio gyda chyfryngau cymdeithasol, fel Cynghorwyr Sir ac unigolion. Mae'r protocol hefyd yn ymwneud â'r defnydd a wneir o gyfryngau cymdeithasol gan aelodau o'r cyhoedd sy'n mynychu cyfarfodydd o'r Cyngor, y Pwyllgor Gwaith a chyfarfodydd Pwyllgorau eraill. Mae mater caniatáu defnyddio cyfryngau cymdeithasol yn ystod cyfarfodydd y Cyngor gan newyddiadurwyr a'r cyhoedd yng Nghymru yn rhan o drafodaeth sydd yn parhau. Roedd y Gweinidog Llywodraeth Leol a Chymunedau wedi ysgrifennu'n ddiweddar at Awdurdodau Lleol Cymru i fynegi ei gefnogaeth i wella tryloywder y gweithgareddau trwy hyrwyddo mynediad ar-lein. Fodd bynnag, pwysleisiwyd y gallai defnydd amhriodol o gyfryngau cymdeithasol gan Aelodau etholedig olygu o bosib torri'r Côt Ymddygiad. Felly, mae'n bwysig bod Aelodau etholedig yn cydnabod y risgiau sy'n gysylltiedig â'r cyfryngau cymdeithasol ac yn sicrhau nad ydynt yn defnyddio'r cyfryngau cymdeithasol mewn ffordd sy'n torri'r Côt Ymddygiad.

Roedd Aelodau'r Pwyllgor o'r farn y dylid rhoi ystyriaeth i'r ffaith y gallai defnydd o, e.e. 'Trydar' mewn cyfarfod dynnu sylw aelodau oddi wrth y cyfarfod ac yn arbennig felly, y ffaith y gallai gwybodaeth anghywir gael ei thrydar drwy'r cyfryngau cymdeithasol. Ystyriwyd mai ychydig iawn o ddefnydd y dylid ei wneud o ddyfeisiau symudol mewn cyfarfodydd ac y dylai'r defnydd hwnnw gael ei wneud mewn modd nad yw'n rhy amlwg.

Dyweddod y Pennaeth Swyddogaeth (Cyfreithiol a Gweinyddiaeth) / Swyddog Monitro bod bid wedi ei hanfon i Lywodraeth Cymru am gyllid ar gyfer Gweddarlledu mewn cyfarfodydd. Rhagwelir y bydd y cais yn llwyddiannus a'r bwriad yw cael cynllun peilot gyda gweddarlledu mewn rhai cyfarfodydd o'r Cyngor Sir. Bydd angen hefyd ystyried cyflwyno gweddarlledu o bell. Yn unol â'r gofynion a oedd ynghlwm â darparu'r cyllid, dywedodd y Swyddog ymhellach y bydd raid sefydlu trefniadau gweddarlledu mewn Cynghorau Tref/Cymuned a hynny ar Sail Genedlaethol.

**PENDERFYNWYD** derbyn yr adroddiad mewn egwyddor.

**GWEITHREDU** : Nodi y bydd y protocol yn cael ei gyflwyno i'r Pwyllgor Gwaith i'w ystyried.

## **12 RHAGLEN WAITH 2012/13**

Cyflwynwyd a derbyniwyd – Rhaglen Waith ar gyfer 2012/13.

MR. MICHAEL WILSON  
**CADEIRYDD**